

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा

[२९] संस्तारकं

* संकलन एवं प्रस्तुतकर्ता *

मुनि दीपरत्नसागर [M.Com., M.Ed., Ph.D.]

॥ किंचित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।


*** मूल आगम-मंजूषा के संपादन की किंचित् भिन्नता का स्वीकार ***

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।

[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:- Mnui Deepratnasagar, MangalDeep society, Opp.DholeswarMandir, POST:- THANGADH Dist.surendranagar. Mobile:-9825967397 jainmunideepratnasagar@gmail.com	मुनि दीपरत्नसागर  <small>जैनमुनिश्री दीपरत्नसागर</small>
---	--

जरामरणवेयणाबहुलं। तह घत्तह काउं जे जह मुच्चह सब्बदुक्खाणं ॥१३९॥१-२०-५८६॥ इति तन्दुलवैचारिकप्रकीर्णकम् ५ ॥ [३१०११-२९→] संस्तारकप्रकीर्णकम्-काऊण नमुक्कारं
 जिणवरवसहस्स वद्धमाणस्स। संथारंमि निबद्धं गुणपरिवाडिं निसामेह ॥१॥५८७॥ एस किराराहणया एस किर मणोरहो सुविहिआणं। एस किर पच्छिमंते पडागहरणं सुविहियाणं ॥२॥
 भूर्इगहणं जह नक्कयाण अवमाणयं अवज्झा(वड्झा)णस्स। मल्लाणं च पडागा तह संथारो सुविहिआणं ॥ ३ ॥ पुरिसवरपुंडरीओ अरिहा इव सब्बपुरिससीहाणं। महिलाण भगवईओ
 जिणजणणीओ जयंमि जहा ॥ ४ ॥ वेरुलिउब्र मणीणं गोसीसं चंदणं व गंधाणं। जह व रयणेसु वड्ढं तह संथारो सुविहिआणं ॥ ५ ॥ वंसाणं जिणवंसो सब्बकुलाणं च सावयकुलाइं।
 सिद्धिगई य गईणं मुत्तिमुहं सव्वसुक्खाणं ॥ ६ ॥ धम्ममाणं च अहिंसा जणवयवयणाण साहुवयणाइं। जिणवयणं च सुईणं सुद्धीणं दंसणं च जहा ॥ ७ ॥ कल्लाणं अब्भुदओ देवाणं दुल्लहं
 तिहुअणंमि। बत्तीसं देविंदा जं तं ज्ञायंति एगमणा ॥ ८ ॥ लद्धं तु तए एयं पंडिअमरणं तु जिणवरक्खायं। हंतूण कम्ममल्लं सिद्धिपडागा तुमे लद्धा ॥ ९ ॥ ज्ञाणाण परमसुक्कं नाणाणं
 केवलं जहा नाणं। परिनिव्वाणं च जहा कमेण भणिअं जिणवरेहिं ॥ १० ॥ सव्वुत्तमलाभाणं सामन्नं चैव लाभ मन्नंति। परमुत्तम तित्थयरो परमगई परमसिद्धुत्ति ॥ १ ॥ मूल तह
 संजमो वा परलोगरयाण किलिट्टकम्माणं। सव्वुत्तमं पहाणं सामन्नं चैव मन्नंति ॥ २ ॥ लेसाण सुक्कलेसा निअमाणं वंभचेरवासो अ। गुत्तिसमिई गुणाणं मूलं तह संजमोवाओ ॥ ३ ॥
 सव्वुत्तमतित्थाणं तित्थयरपयासिअं जहा तित्थं। अभिसेउब्र सुराणं तह संथारो सुविहियाणं ॥ ४ ॥ सिअकमलकलससत्थिअनंदावत्तवरमल्लदामाणं। तेसिंपि मंगलाणं संथारो मंगलं
 अहिअं (प्र० पढमं) ॥ ५ ॥ तवअग्गि नियमसुरा जिणवरनाणा विसुद्धपत्थयणा। जे निब्रहंति पुरिसा संथारगइंदमारूढा ॥ ६ ॥ परमट्टो परमउलं परमाययणंति परमकप्पुत्ति। परमुत्त-
 मतित्थयरो परमगई परमसिद्धिन्ति ॥ ७ ॥ ता एयं तुमि लद्धं जिणवयणामयविभूसियं देहं। धम्मरय णामया ते पडिया भवणंमि वसुहारा ॥ ८ ॥ पत्ता उत्तमपुरिसा कल्लाणपरंपरा परमदिवा।
 पावयण साहु धीरं (धीरी) कयं च ते अज्ज सप्पुरिसा ! ॥ ९ ॥ सम्मत्तनाणदंसणवररयणा नाणतेअसंजुत्ता। चारित्तसुद्धसीला तिरयणमाला तुमे लद्धा ॥ २० ॥ सुविहियगुणवित्थारं संथारं
 जे लहंति सप्पुरिसा। तेसिं जियलोगसारं रयणाहरणं कयं होइ ॥ १ ॥ तं तित्थं तुमि लद्धं जं पवरं सब्बजीवलोगंमि। ण्हाया जत्थ मुणिवरा निव्वाणमणुत्तरं पत्ता ॥ २ ॥ आसवसंवरनिज्जर
 तिन्निवि अत्था समाहिया जत्थ। तं तित्थंति भणंती सीलब्रयबद्धसोवाणा ॥ ३ ॥ भंजिय परीसहचमूं उत्तमसंजमबलेण संजुत्ता। भुंजंति कम्मरहिआ निव्वाणमणुत्तरं रज्जं ॥ ४ ॥ तिहु-
 अणरज्जसमाहिं पत्तोऽसि तुमं हि समयकप्पंमि। रज्जाभिसेयमउलं विउल्लफलं लोइ विहरंति ॥ ५ ॥ अभिनंदइ मे हिअयं तुब्भे मुक्खस्स साहणोवाओ। जं लद्धो संथारो सुविहिअ!
 परमत्थनित्थारो ॥ ६ ॥ देवावि देवलोए भुंजंता बहुविहाइं भोगाइं। संथारं चिंतंता आसणसयणाइं मुंचंति ॥ ७ ॥ चंदुब्र पिच्छणिज्जो सूरु इव तेअसा विदिप्पंतो। धणवंतो गुणवंतो

९२३ संस्तारकप्रकीर्णकं, ~~३१०११~~ ३१०११-१-२८

हिमवंतमंहतविक्रवाओ ॥ ८ ॥ गुत्तीसमिइउवेओ संजमतवनिअमजोगजुत्तमणो । समणो समाहिअमणो दंसणनाणे अणमणो ॥ ९ ॥ मेरुव पव्वयाणं सयंभुरमणुव्व चेव उदहीणं ।
 चंदो इव ताराणं तह संथारो सुविहिआणं ॥ ३० ॥ भण केरिसस्स भणिओ संथारो केरिसे व अवगासे । उक्खंपिगस्स करणं एअं ता इच्छिमो नाउं ॥ १ ॥ हायंति जस्स जोगा जरा अ
 विविहा अ हुंति आयंका । आरुहइ अ संथारं सुविसुद्धो तस्स संथारो ॥ २ ॥ जो गारवेण मत्तो निच्छइ आलोअणं गुरुसगासे । आरुहइ अ संथारं अविस्सुद्धो तस्स संथारो ॥ ३ ॥ जो पुण
 पत्तभूओ करेइ आलोअणं गुरुसगासे । आरुहइ अ० सुवि० ॥ ४ ॥ जो पुण दंसणमइलो सिढिलचरित्तो करेइ सामन्नं । आरु० अवि० ॥ ५ ॥ जो पुण दंसणसुद्धो आयचरित्तो करेइ साम-
 न्नं । आरु० सुवि० ॥ ६ ॥ जो रागदोसरहिओ तिगुत्तिगुत्तो तिसल्लमयरहिओ । आरुहइ०, सुवि० ॥ ७ ॥ तिहिं गारवेहिं रहिओ तिदंडपडिमोयगो पहिअकित्ती । आरुहइ० सुवि० ॥ ८ ॥
 चउविहकसायमहणो चउहिं विकहाहिं विरहिओ निच्चं । आरुहइ०, सुवि० ॥ ९ ॥ पंचमहवयकलिओ पंचसु समिईसु सुट्ठु आउत्तो । आरुहइ०, सुवि० ॥ ४० ॥ छक्काया पडिविरओ
 रुत्तभयट्टाणविरहिअमईओ । आरुहइ०, सुवि० ॥ १ ॥ अट्टमयट्टाणजटो कम्मट्टविहस्स खवणहेउत्ति । आरुहइ०, सुवि० ॥ २ ॥ नवबंभचेरगुत्तो उज्जुत्तो दसविहे समणधम्मो । आरुहइ०
 सुवि० ॥ ३ ॥ जुत्तस्स उत्तमट्टे मल्लियकसायस्स निच्चियारस्स । भण केरिसो उ लाभो संथारगयस्स समणस्स ? ॥ ४ ॥ जुत्तस्स उत्तमट्टे मल्लियकसायस्स निच्चियारस्स । भण केरिसं
 च सुक्खं संथारगयस्स खमगस्स ? ॥ ५ ॥ पढमिल्लगंमि दिवसे संथारगयस्स जो हवइ लाभो । को दाणि तस्स सक्को अग्घं काउं अणग्घस्स ॥ ६ ॥ जो संखिज्जभवट्टिइ सव्वंपि खवेइ सो
 तहिं कम्मं । अणुसमयं साहुपयं साहू वुत्तो तहिं समए ॥ ७ ॥ तणसंथारनिसन्नोऽवि मुणिवरो भट्टरागमयमोहो । जं पावइ मुत्तिसुहं कत्तो तं चक्कवट्टीवि ? ॥ ८ ॥ तप्पु (नियपु) रिसना-
 डयंमिवि न सा रई तह सहत्थवित्थारे । जिणवयणंमिवि सा ते हेउसहस्सोवगूढंमि ॥ ९ ॥ जं रागदोसमइअं सुक्खं जं होइ विसयमईयं च । अणुहवइ चक्कवट्टी न होइ तं वीअरागस्स
 ॥ ५० ॥ मा होउ वासगणया न तत्थ वासाणि परिगणिज्जंति । बहवे गच्छं वुत्था जम्मणमरणं च ते खुत्ता ॥ १ ॥ पच्छावि ते पयाया खिप्पं काहिंति अप्पणो पत्थं । जे पच्छिमंमि काले
 मरंति संथारमारूढा ॥ २ ॥ नवि कारणं तणमओ संथारो नवि अ फासुआ भूमी । अप्पा खलु संथारो हवइ विसुद्धे चरित्तंमि ॥ ३ ॥ निच्चंपि तस्स भावुज्जुअस्स जत्थ व जहिं व संथारो ।
 जो होइ अहक्खाओ विहारमब्भुट्टिओ लूहो ॥ ४ ॥ वासारत्तंमि तवं चित्तविचित्ताइ सुट्ठु काऊणं । हेमंते संथारं आरुहइ सव्वऽवत्थासु ॥ ५ ॥ आसीअ पोअणपुरे अज्जा नामेण पुप्फ-
 चूलत्ति । तीसे धम्मायरिओ पविस्सुओ अन्निआउत्तो ॥ ६ ॥ सो गंगमुत्तरंतो सहसा उस्सारिओ अ नावाए । पडिवन्नउत्तिमट्टं तेणवि आराहिअं मरणं ॥ ७ ॥ पंचमहवयकलिआ पंच-
 सया अज्जया सुपुरिसाणं । नयरंमि कुंभकारे कडगंमि निवेसिआ तइआ ॥ ८ ॥ पंचसया एगूणा वायंमि पराजिएण रुट्टेणं । जंतंमि पावमइणा लुन्ना छन्नेण कम्मेण ॥ ९ ॥ निम्मम-
 निरहंकारा निअयसरीरेवि अपडिबद्धा उ । तेवि तह लुज्जमाणा पडिवन्ना उत्तमं अट्टं ॥ ६० ॥ दंडुत्ति विस्सुअजसो पडिमादसधारओ ठिओ पडिमं । जउणावंके नयरे सरेहिं विद्धो सयं-
 गीओ ॥ १ ॥ जिणवयणनिच्छिअमई निअयसरीरेऽवि अपडिबद्धो उ । सोऽवि तह विज्जमाणा पडिवण्णो उत्तमं अट्टं ॥ २ ॥ आसी सुकोसलरिसी चाउम्मासस्स पारणादिवसे । ओरुह-
 माणो य नगा खइओ मायाइ वग्घीए ॥ ३ ॥ धीधणियबद्धकच्छो पच्चक्खाणम्मि सुट्ठु उवउत्तो । सो तहवि खज्जमाणा पडि० ॥ ४ ॥ उज्जेणीनयरीए अवंतिनामेण विस्सुओ
 आसी । पाओवगमनिवन्नो सुसाणमज्झम्मि एगंते ॥ ५ ॥ तिन्नि रयणीइ खइओ भट्टुंकी रुट्टिया विकइढंती । सोवि तह खज्जमाणा पडि० ॥ ६ ॥ जल्लमलपंकधारी आहारो सीलसं-
 जमगुणाणं । अज्जीरणो य गीओ कत्तिय अज्जो सुरवरंमि ॥ ७ ॥ रोहीडगंमि नयरे आहारं फासुयं गवेसंतो । कोवेण खत्तिएण य भिन्नो सत्तिप्पहारेणं ॥ ८ ॥ एगंतमणावाए विच्छिन्ने
 थंडिले चइय देहं । सोऽवि तह भिन्नदेहो पडि० ॥ ९ ॥ पाडलिपुत्तंमि पुरे चंदयगुत्तस्स चेव आसीय । नामेण धम्मसीहो चंदसिरिं सो पयहिऊणं ॥ ७० ॥ कुट्टउरंमि पुरवरे अह सो
 अब्भुट्टिओ ठिओ धम्मो । कासीअ गिद्धपट्टं पच्चक्खाणं विगयसोगो ॥ १ ॥ अह सोवि चत्तदेहो तिरिअसहस्सेहिं खज्जमाणा अ । सोऽवि तह खज्जमाणा पडि० ॥ २ ॥ पाडलिपुत्तंमि पुरे
 चाणक्को नाम विस्सुओ आसी । सव्वारंभनिअत्तो इंगिणिमरणं अह निवत्तो ॥ ३ ॥ अणुलोमपूअणाए अह से सत्तू जओ डहइ देहं । सो तहवि डज्जमाणा पडि० ॥ ४ ॥ गुट्टयपाओवगओ
 सुबंधुणा गोमये पत्तिवियंमि । डज्जंतो चाणक्को पडि० ॥ ५ ॥ काइंटीनयरीए राया नामेण अमयघोसुत्ति । तो सो मुअस्स रज्जं दाऊणं इह चरे धम्मं ॥ ६ ॥ आहिंदिऊण वसुहं मुत्तत्थ-
 विसारओ सुअरहस्सो । काइंदिं चेव पुरिं अह पत्तो विगयसोगो सो ॥ ७ ॥ नामेण चंडवेगो अह से पडिछिंदइ तयं देहं । सो तहवि छिज्जमाणा पडिवत्तो ॥ ८ ॥ कोसंबीनयरीए ललि-
 अघडा नाम विस्सुओ आसी । पाओवगमनिवन्ना बत्तीसं ते सुअरहस्सा ॥ ९ ॥ जल्लमज्जे ओगाढा नईइ पूरेण निम्ममसरीरा । तहवि हु जल्लदहमज्जे पडिवन्ना ॥ ८० ॥ आसी कुत्ता-
 ण(णाल)नयरे राया नामेण वेसमणदासो । तस्स अमच्चो रिट्टो मिच्छादिट्टी पडिनिविट्टो ॥ १ ॥ तत्थ य मुणिवरवसहं गणिपिडगधरो तहासि आयरिओ । नामेण उसहसेणो मुअसायरपारगो
 धीरो ॥ २ ॥ तस्सासी अ गणहरो नाणासत्थत्थगहिअपेआलो । नामेण सीहसेणो वायंमि पराजिओ रुट्टो ॥ ३ ॥ अह सो निराणुकंपो अग्गि दाऊण मुविहिअपसंते । सो तहवि (२३१)

डज्ज० ॥ ४ ॥ कुरुत्तोऽवि कुमारो सिंबलिफालिब अग्गिणा दइढो । सो तहवि डज्ज० ॥ ५ ॥ आसी चिलाइपुत्तो मुइंगुलिआहिं चालणिब कओ । सो तहवि ख० ॥ ६ ॥ आसी गयसु-
 कुमालो अहयचम्मं व कीलयसएहिं । धरणीअले उबिद्धो तेणवि आराहिअं मरणं ॥ ७ ॥ मंखलिणावि य अरहओ सीसा तेअस्स उवगया दइढा । ते तहवि डज्ज० ॥ ८ ॥ परिजाणई
 तिगुत्तो जावजीवाइ सब्बमाहारं । संघसमवायमज्जे सागारं गुरुनिओगेणं ॥ ९ ॥ अहवा समाहिहेउं करेइ सो पाणगस्स आहारं । तो पाणगंपि पच्छा वोंसिरइ मुणी जहाकालं ॥ १० ॥
 खामेमि (ति) सब्बसंघं संवेगं सेसगाण कुणमाणो । मणवइजोगेहिं पुरा कयकारिअणुमए वावि ॥ १ ॥ सब्बे अवराहपए एस खमावेमि अज्ज निस्सहो । अम्मापिऊसरिसया सब्बेऽवि खमंतु
 मह जीवा ॥ २ ॥ धीरपुरिसपण्णत्तं सप्पुरिसनिसेविअं परमघोरं । धन्ना सिलायलगया साहंती उत्तमं अट्टं ॥ ३ ॥ नारयतिरिअगईए मणुस्सदेवत्तणे वसंतेणं । जं पत्तं सुहदुक्खं तं अणु-
 चित्ते अणन्नमणो ॥ ४ ॥ नरएसु वेअणाओ अणोवमाओ असायबहुलाओ । कायनिमित्तं पत्तो अणंतखुत्तो बहुविहाओ ॥ ५ ॥ देवत्ते मणुअत्ते पराभिओगत्तणं उवगएणं । दुक्खपरिकिले-
 सकरी अणंतखुत्तो समणुभूआ ॥ ६ ॥ तिरिअगई अणुपत्तो भीममहावेअणा अणोअरया (यारा) । जम्मणमरणऽरहट्टे अणंतखुत्तो परिब्भमिओ ॥ ७ ॥ सुविहिअ ! अईयकालं अणंतकालं
 तु आगयगएणं । जम्मणमरणमणंतं अणंतखुत्तो समणुभूओ ॥ ८ ॥ नत्थि भयं मरणसमं जम्मणसरिसं न विज्जए दुक्खं । जम्मणमरणायकं छिंद ममत्तं सरीराओ ॥ ९ ॥ अन्नं इमं सरीरं
 अन्नो जीवत्ति निच्छयमईओ । दुक्खपरिकिलेसकरं छिंद० ॥ १०० ॥ जावंति केइ दुक्खा सारीरा माणसा व संसारे । पत्तो अणंतखुत्तो कायस्स ममत्तदोसेणं ॥ १ ॥ तम्हा सरीरमाई
 सन्धिभतर बाहिरं निरवसेसं । छिंद ममत्तं सुविहिअ ! जइ इच्छसि उत्तमं ठाणं ॥ २ ॥ जगआहारो संघो सब्बो मह खमउ निरवसेसंपि । अहमवि खमामि सुद्धो गुणसंघायस्स संघस्स
 ॥ ३ ॥ आयरिय उवज्जाए सीसे साहम्मिए कुलगणे य । जे मे केइ कसाया सब्बे तिविहेण खामेमि ॥ ४ ॥ सब्बस्स समणसंघस्स भयवओ अंजलिं करिय सीसे । सब्बं खमावइत्ता अहमवि
 खामेमि सब्बस्स ॥ ५ ॥ सब्बस्स जीवरासिस्स भावओ धम्मनिहियनियचित्तो । सब्बं खमावइत्ता अहयंपि खमामि सब्बेसिं ॥ ६ ॥ इय खामिआइआरो अणुत्तरं तवसमाहिमारूढो । पप्फो-
 ङंतो विहरइ बहुविहवा(प्र० आयविवा)हाकरं कम्मं ॥ ७ ॥ जं बद्धमसंखिजाहिं असुभभवसयसहस्सकोडीहिं । एगसमएण विहुणइ संथारं आरूढंतो य ॥ ८ ॥ इह तह विहारिणो से विग्घ-
 करी वेयणा समुट्टेइ । तीसे विज्जवणाए अणुसट्ठिं दिति निजवया ॥ ९ ॥ जइ ताव ते मुणिवरा आरोवियवित्थरा अपरिकम्मा । गिरिपब्भारविलग्गा बहुसावयसंकडं भीमं ॥ ११० ॥
 धीधणियबद्धकच्छा अणुत्तरविहारिणो समक्खाया । सावयदाढगयाविहु साहंती उत्तमं अट्टं ॥ १ ॥ किं पुण अणगारसहायगेहिं धीरेहिं संगयमणेहिं । नहु नित्थरिज्जइ इमो संथारो उत्तमं
 अट्टं ॥ २ ॥ उच्छूढसरीरघरा अन्नो जीवो सरीरमन्नंति । धम्मस्स कारणे सुविहिया सरीरंपि छइडंति ॥ ३ ॥ पोराणिया पच्चुप्पन्निया उ अहियासिऊण वियणाओ । कम्मकलंकलवल्लीं
 विहुणइ संथारमारूढो ॥ ४ ॥ जं अन्नाणी कम्मं खवेइ बहुआहिं वासकोडीहिं । तं नाणी तिहिं गुत्तो खवेइ ऊसासमित्तेणं ॥ ५ ॥ अट्टविहकम्ममूलं बहुएहिं भवेहिं संचियं पावं । तं
 नाणी० ॥ ६ ॥ एवं मरिऊण धीरा संथारंमि उ गुरू पसत्थंमि । तइअभवेण व तेण व सिज्जिजा खीणकम्मरया ॥ ७ ॥ गुत्तीसमिइगुणइढो संजमतवनिअमकरणकयमउडो । सम्मत्त-
 नाणदंसणतिरयणसंपाविअमहग्घो ॥ ८ ॥ संघो सइंदयाणं सदेवमणुआसुरम्मि लोगम्मि । दुल्लहतरो विसुद्धो तो सुविसुद्धो महामउडो ॥ ९ ॥ डज्जंतेणवि गिम्हे काल्रसिलाए कवल्लिभू-
 आए । सुरेण व चंडेण व किरणसहस्संपयंडेण ॥ १२० ॥ लोगविजयं करितेण तेण ज्ञाणोवउत्तचित्तेणं । परिसुद्धनाणदंसणविभूइमंतेण चित्तेणं ॥ १ ॥ चंदगविज्जं लद्धं केवलसरिसं समाउ
 परिहीणं । उत्तमलेसाणुगओ पडिवन्नो उत्तमं अट्टं ॥ २ ॥ एवं मए अभियुआ संथारगइदखंधमारूढा । सुसमणनरिंदचंदा सुहसंकमणं सया दितु ॥ ३ ॥ (२०-७०९) संथारगपइण्णयं
 समत्तं ६ ॥ ३१०१४-२० → श्रीगच्छाचारप्रकीर्णकम्- 'नमिऊण महावीरं तिअसिंदनमंसियं महाभागं । गच्छायारं किंची उद्धरिमो सुयसमुहाओ ॥ १ ॥ ७१० ॥ अत्थेगे गोयमा ! पाणी, जे